

信  
集  
一

梧峯先生文集序

嶺南古稱爲人才之林，數自羅以來，  
公祛匠鴻儒碩德，磊落相望。以  
及我朝，明宣之際，退陶先生唱  
明洛建之學，一時人士斐然趨之。  
深心飭躬，攝操履，勵尚經。

文藝蜚英華一騰茂實以  
之責一代之文治收中興之偉  
績大抵多先生門人也梧峯申公  
先生之于嘉靖壬戌前先生易簣  
之年甫九歲常以不及樞衣為大  
恨及其出知宣城也雖當壬癸板

蕩之際軍興民隱日不暇給而輒  
月至陶山謁先生廟與及門諸老  
講明遺訣商確政務潛心力贖不  
得不措故其平生事親無遺憾事  
君無隱情居官必盡其職而忠愛  
彰明素節偉然為一代全人有

山北公少負文望早捷巍科與蒼  
石敬瑭諸文苑巨擘相刮摩上下  
論當時館閣之手何渠辟三舍哉  
迺欽然遐避不喜進取於朝而為  
親養棲遲下邳又不幸當六載兵戈之  
日常從事戎馬備嘗險艱未幾而大

小北人用事矣公經綸之業率不得少  
展於時而只使山民渴獠飽德歌謳嗚  
呼豈非天哉公平日不喜著述今其存者  
檜山雜詠龜堂漫錄若干卷而已其  
言溫厚和平難尋常一吟詠之作無  
不著諸性情不假脩飾而金鏗石

繼韓呂相宣至甚愛君憂國傷時  
隱俗而不能自己忠厚惻怛蔚然風  
人之遺音矣信所謂蘊之爲德行  
表之爲文章仁義之人其言藹如也公之  
玄孫上舍震龜氏又求得散佚若  
千篇將勘正編次入之梓以其後屬

之先庭而又責以弁卷首者先庭何  
敢當顧上舍君之為先祖圖所以不朽  
者其誠至矣惜其不及斯文諸老在  
世之日極意編摩闡發休光而反使  
固陋無識如先庭者有所纂次而  
錄之得不為慈孫百代之恨而世



之竟眼大踢者其不強罵不佞焉不知  
分邪

上之十五年己未暮春後學至原

李光庭謹叙

梧峯先生文集目錄

卷一

詩

病中漫述

次竹川子韻哀金達遠 跋

輓金翰林達遠

記見

泣呈涵仲契兄

奉送鄭員外丈之京

與金器仲珊分韻千仞岡頭一振衣得

千岡一衣等字

畫師圖山形甚拙戲吟

山中吟

牛背戲吟

孤山雜詠

次鶴峯先生韻贈勳師

又贈勳師

為張氏妹賦四韻呈于金元瑞兄春籠

示仲瑞弟慶龍

次高翠屏應陟樓字韻

述懷示樂琴詩松葛峯險公兩契十八

韻

留別雪月文詮倫公兼示左右諸君子

臥病壁堅山城見權詮

謹次水山下居韻

詠橘

興陽縣偶詠

自興陽適寶城幾歷六十里到烏城院

暫歇回瞻卽朝過路也仍成一律

送政府李從事

謹次趙分臺先生韻

珍島卽事

綾城有感

茂朱偶詠

永思亭次思齋韻

追記前日事奉皇兼善

奉贈公元舊史

次花山伯

臨行又次

次龍仁板上韻

愚漢中年久廢吟詠今洪偉夫璋將適南州臨行語余曰此行何不爲一言以贈間寂中將故舊詩什付之壁有時吟賞以開懷也余聞此言難以荒

拙辭聊奉一律

送李寬甫民歲爲禮曹正郎赴洛

卷二

檜山雜詠上

次東軒板上韻

次韓柳川浚謙韻

感舊

雜詠

夢中陪 贊超 殿下覺而有感

次板上韻

中宵有感

成精甫 安義 至喜甚把酒月下連曙而

罷

邀精甫私室

疊多字韻贈精甫

寄精甫浴海水

次放翁韻寄精甫

次金大丘而靜安韻呈鄭康侯維舊丈  
又演餘懷示康侯

次康侯韻贈別

次孫景徵起陽月影臺用鄭郊隱韻

漫興

舟行泊木瓜島登眺而歸有詠

次景徵寄李叔平峻號蒼后韻送景徵

景徵書至示密伯載酒駭妓邀我于空

明亭下泛舟沂江仍過郭季綏再祐



江亭有約與景徵同之

泛舟記景

感懷用杜韻

春日將遊月影臺用趙生韻

春日遊月影臺

迴舟

散帙有李叔平往在京師送我赴湖幕

敘別詩時為弘文校理今為豐基郡

守閔未終篇忽忽有懷適見狂風大

雨仍次其韻記別意

附本韻

苦靈雨不霽連月陰霾

卽事

次而靜壁上畱題韻

庭畔百日紅盛開北枝先發

又古風一首

輓申懼之宗文 仵

枕上忽憶三十年前與家兄及鄰友讀

書于冰山寺寺壁有尹相國題短律

余與鄰友皆次其韻今尚領其意而

詞則忘之改綴以遂其意且寺火于  
兵而今爲書院不能無古今存亡之  
感而棲息之便與僧家時大別有往  
遊之願不能禁

卽事十絕

次鵝溪卷中三絕韻不用元韻意

戲次孫宜伯文義甲索空韻

次五峯相國李公好閱韻

次簡齋韻

遍歲除有感

疊樓字韻

春帖

夢見先君對燈笑語著半紫衣宛如平昔歡然如有得却念非真悵然乃覺  
梁漑至病未迎接詩以謝之

李僉知浚持鳳臨臺獨樂堂韻來索和

疊前韻

次五峯韻

次東岳李公韻

漫述

會別舍弟立夫之信又送宜夫之義意

頗苦見道中書投宿漆原朝至道洪

天寒不可堪云

次簡齋韻示友

趙生任道前後兩來浮言送書蓋出於

邑人推擠之語尚不決去可笑成短

狂風

春雪

合前兩意為一篇

疊闕字韻

醉中三絕

燈火將盡

咏梅

次簡齋

奉送金察訪汝朝赴會試

春日與朴廣文遊後洞

南城門上同廣文別將對酌用別將韻

北亭示廣文

晉州清心亭上次李調度用板上韻

校中諸生持酒來會同彦時對酌



送饒廣文彦時酒席亂稿

院北村述事

感興

海錄九首

輓徐徵君行甫

思遠丈

平居余嘗誦荆公賦王昭君人生得意無  
南北之句每致疑以為失昭君心且不  
宜以此說為臣妾道又得東國詩宗二  
絕其意祖荆公余及其意因以其韻賦  
二絕又一絕詩家皆答毛公余以昭君

道 劫 喜 雨 熊 次 村 用 前 又 田 暮 雨 後

道 劫 喜 雨 熊 次 村 用 前 又 田 暮 雨 後



天陰不雨三日

流頭日夜遊贈景仰

暮景明麗望海有席帆高撐帶夕照而來

真畫中事也

蓮池久旱乾涸大半傷損雨後貯水尚有

數朵芙蓉始發當暮巡池而往見清香

襲人甚可愛玩傍有紫薇紫薇無香有

感而述

苦熱

與景仰園茶殆一月不止

新山書院

次趙大而亨道韻

孟秋十九日述感懷

漫興

夜中詠

道興津

蒼山次五峯詠梅板上韻

路中用前韻浪述

用古韻漫述

郭季綬令公自江亭送階下自生石播五

首仍述一篇謝之

次景徵秋懷韻

次趙安仲靖韻贈別許兩正秋滿還洛

宿花園用前韻漫述

兒子參試

武科都會堂試記見

夜間枕上忽憶舍兄存亡惱懷

次陸詩韻

次廣文用陸韻

偶述

輓李陝川瀟

點化呂陝川聖遇大老題笑未榜會真

石樓

輓宋正字

水 三 三									

梧岑先生文集卷一

詩

病中漫述

按此以下在宣城作辛卯知宣  
城壬辰值倭變七年居官丁酉

以正言  
承召

青丘氣數何太蹇  
巨寇東來兵禍酷  
經年劔戟殺氣高  
血流溟海骨填谷  
氛蔽東南虐焰盛  
公蓄私藏付回祿  
生民流落失舊居  
老穉登山草為屋  
有司調糧簿書急  
貧人富人傾斗粟  
飢饉荐臻民嗷嗷  
東家肉寒西家哭  
宛宛赤子路傍棄  
命在須臾誰顧復  
菜顏盈道相繼斃  
烏爲集

啄狗犬簇瘴氣流行癘疫熾餘民死亡日相續  
前年十室今數家子孤妻寡老者獨方伯雖有  
勸耕書其奈莫肯種黍菽病倅憂傷終奈何對  
案不敢喫公餼

二

愁裏形骸病亦侵經旬伏枕費呻吟出門忽覺  
年光變落盡紅芳徧綠陰

三

居然不救民飢死天譴神非病作灾寧適我躬  
吾不怨溝中白骨祇堪哀

四

神州赤縣陸成沈夫不耕耘婦廢蠶殘命苟存  
無報效坐思家國謾傷心

五

孤臣在嶺海戎馬兩星霜北望王師至東夏虜  
勢強 朝廷何處住寤寐未會忘忽聽鷓鴣聲急  
悠悠我思長

六

爺孃多疾病弟妹各西東遊子未能返豺狼滿  
域中



次竹川子韻哀近始齋金達遠核  
風塵擾擾子何歸舊事淒涼一薜衣死者無知  
生者苦屋樑明月夢依佈

二

邯鄲久作難歸客蒿里頻聞葬友聲義魄至今  
應不死為星為斗照行旌

輓金翰林達遠二十韻

達官怕木稼哲士忌龍蛇曾悼鶴峯逝又如達  
遠何詩書傳舊業伊洛泝餘波谷喜芝蘭茂人  
知步武遐龍鍾慚鄙吝夙昔景聲華旅館初傾

蓋天庭共戴花佩符儂守縣投笏子還家湖上  
看梅數簾前下榻多去年逢喪亂經歲在干戈  
淚濕青衫薄心懸紫極賒憤讐言天共戴鳴義檄  
頻過捧日心徒切填滇勢則那乍同灘上夢還  
阻海濱珂卽說遭盆歎驚聞返柳車行言初不  
信凶計竟非訛爭奈邦家瘁徒貽舊識嗟庭孤  
年未長堂老髮皆皤俯仰悲無盡幽明路已差  
音容都寂寞人世獨婆娑女慟哭無窮意茫茫淚  
漲河

記見

有鵲巢城樹養雛日殷勤羽翼未及成出巢離  
其羣翩躚落下地蹠蹠翔且奔莫黑雙大鳥見  
之來相侵欲飛不可得蒼皇入棘林母鵲驚飛  
來回翔起哀音逐鳥啄其背鳥乃終飛去徘徊  
鳴不已顧復雛在處物性良不昧保雛亦有智  
深恐惡鳥知翔集不同地藏雛城北叢自止城  
南枝衆鳥更來窺良又不得知從來母子情物  
我固其然伊人忽有感慨惻惻雙淚懸接此詩幼

感懷

泣呈涵仲契兄

我哭我兄君哭弟兩家兄弟數偏奇淒涼征邁  
鵲鳩句寂寞池塘青草詩地下形骸空欲朽人  
間鬢髮易生悲三年憂患不相見東閣春宵容  
睡遲

奉送鄭員外文之京

道路崎嶇豺虎鳴忽聞鄭文欲西行泰山一羽  
君臣義寸草三春母子情秦樹漢宮新日月千  
官七校舊簪纓經年西望孤臣淚更濕青驪歸  
去程

與金器仲凋分韻千仞岡頭一振衣得千

卷之五

岡一衣等字語見清涼山錄

飛鳥歸來不住天應須行到最高巔煙霞草木無窮好絕壑奇巖氣萬千

二

試躡清涼興未央此來情境亦清涼不知眼界寬多少大地平看一萬岡

三

崇高白頭山拔地千筭畢東來一萬友一腳雲外出列作十二峯奇勝擅第一丈人揖祝融鸞青對硯筆僊鶴舞翱翔蓮花挺峯嶽洞天三十

六奇詭記難悉痛宰有宿好佳期未可失同遊  
金器仲夙昔風流匹歷問日洞老長與魚鳥逸  
雙舟候吾行入室審容膝江武昌魚盤剝極  
谷粟梅菊列巖壑經傳盈縮帙此間足清福不  
曾關涉黠青牛石門路古藤雲氣密日夕到上  
方惺然痊宿疾坐戶酌靈派登壇拾桂實其中  
多僂子石底羅文室給孤布黃金浮提灑墨漆  
天女傳獻花仲姝誇啖蜜異言莫吹噓吾家有  
妙術自有好田地不須訪堯率終宵恣語樂有  
無何足詰憶昔朱夫子泰山視丘垤南軒相往

來遺意吾可述時來發豪氣浪吟不求律還嗟  
塵世嬰勝遊無多日明朝出洞門世路苦傾跌

四

碧石丹楓面面圍山中無物不清奇何年解却  
腰間綬瀟灑巖頭伴羽衣

畫師圖山形甚拙戲吟溇峴清錄

畫來名嶽類丘陵何事區區費剡藤知汝厭傳  
真面目畫師非是本無能

山中吟

舊聞清涼寺今見清涼山清涼意不盡如在闍

風間

牛背戲吟

亭見清涼山錄

如何五馬郎還著一牛鞭洞裏有奇事傍人莫浪傳

孤山雜詠

遊徧名山十二岡歸筇經過水雲鄉丹楓紫菊有餘翫明月清風無盡藏江南滿衣沾濕好蘭舟載酒往來忙小堂瀟灑依巖靜醉臥三更枕席涼

二

六



宇宙悠悠世故新不知何地可安身功名榮悴  
悲遊客丘壑風流說文人靜几明窗惟有月白  
沙蒼壁更無塵此間樂事人知少正坐看書即  
甚真

次鶴峯先生

詮公韻贈勳師

古館春岑寂僧來亦一奇吾家元有事爾道本  
無爲墨行慙儒行新知勝舊知他時白蓮寺與  
汝欲深期

又贈勳師

昔者吾友洛園子清涼寺中賦杜鵑死別三年

常惻惻當時題句爾來傳

為張氏妹賦四韻呈于金元瑞兄

春麓示

仲瑞弟

瑣尾流離張氏妹相逢湖海暫時入畏途顏面  
元多厚異地婚姻更少親不為困窮寧有此謂  
他兄弟欲誰因將填丘壑吾難救地下先靈久  
已嘔

張氏吾外家從兄弟行也前五六年間喪其  
偶寡居今遭亂失業姻黨又多欺乃不得安  
居違棄蓬華流落月城寄食于元瑞兄家其

勢終亦不能救吾為縣雖有俸錢上分於老  
親下周於亡兄家累更無恤後之勢噫自吾  
身親之則彼我親疎之際施有差等其不能  
救勢也自吾祖觀之張氏之於吾其初一人  
也吾等豈無罪哉蓋飢餓困頓之形有不忍  
見勢者不在我吾末如之何也已情則有可  
勉者使吾兄吾弟睦愛之心愈久而彌敦則  
盤中餘粒田間遺穗或有存活之路而吾祖  
先靈得安於地下矣

次高翠屏應陟樓字韻

若比諸暮局先生是爽秋才華早變豹學術妙  
屠牛編韋經三絕臯皮叩兩頭功名三十載無  
地可營樓

二

生平學大隱城市幾春秋肥瘦誰知馬閒忙自  
辨牛龍龜探奧旨儒釋劈初頭料得人希訪空  
中獨樂樓

三

行藏如蟋蟀卷迹待霜秋今世誰知駿古人尚  
飯牛惟頰書萬軸安用橘千頭杖屨聞韶縣道

送上竹樓

述懷示樂琴葛叟兩契十八韻

少時孤陋伏閭閻性拙才庸病且兼  
往聖前賢曾邈遠高山大野未觀瞻  
人間不分青雲路天上難尋翠羽簾  
飽認間關冰躍馬長憂踴蹕竹登鮎  
身輕鳧鴈無多少度大乾坤圖巨織  
北關分憂恩命厚南州作宰歲時淹  
塵生宇宇戎初起師老關河賊未熾  
羞見督郵衣帶急長聞軍國簡書嚴  
徒饒斗粟難求去久病瘡痍未試  
成形貌蕭條成老醜行裝落拓傍  
猜嫌貞心自

視輕寒暑宦味何曾辨苦甜舊識金生將李叟  
生涯藥裏與書籤陰傳秘訣烘丹鼎會待盤根  
別利銛棲在梧峯遲鳳下澤藏雲雨保龍潛由  
來同氣爲風虎安得相隨似磬鷄別意停雲時  
復望離情共筆日頻拈黃梅落盡年光晚白髮  
生多客淚添惆悵相思不相見回頭重阻暮山  
尖

留別雪月文

富倫兼示左右諸君子

今朝告別芳岑寺幾日重登雪月堂追記六年  
來往地洛江煙樹杳蒼蒼

臥病壁堅山城見權詮詩丁酉以文學出

為巡營從  
事時作

登登山萬丈曲曲路不回風峭枝無葉雲淋壁  
有苔自憐身落拓誰問病歸來忽見權僉正居  
然一笑開

二

山連闔闔俯湖流城堞迢迢近斗牛鼓角一聲  
天欲曙將軍早起接前籌

謹次木山下居韻

浩浩三千界茫茫九萬秋古人不可見世路多

險幽之子歌白雪和我者伊疇萬事如夢幻夜  
半移壑舟煙霞舊有疾人世卽無求聊尋丘壑  
來遂與猿鶴謀誅茅結小廬水山南岸頭岸上  
有蒼松岸下有清流隴雲可怡悅蘿月足遊遊  
此事亦丈夫飢寒何足憂詩成來示之知子得  
藏修我亦從此逝早晚披羊裘

詠橘

按此以下庚子任  
湖南蓮幕時作

黃橘似黃金黃金人所珍伊我愛黃橘何者得  
其真黃金無香橘有香嚼來何況味又甘有香  
有甘又有色人寶則一我寶三對此忽覺骨欲



有卷集  
僊五內颯爽生清風安得化爲身千萬千萬枝  
頭著此翁

二

君山老僊子夙昔遊蓬萊珍樹覓佳實移種洞  
庭隈海外三萬里飛鴻含子來南國土性宜不  
勞人栽培秋來結子繁滿地黃金頽一食塵慮  
消再食韶顏回應有羽衣子卽此來徘徊江頭  
雙老鶴母乃異人哉

興陽縣偶詠

石古山尖大海陲蕭條古廨擁笆籬天寒斷郭

烏鴉集葉盡前村  
橋柳垂客路生涯苦無樂殘  
年物色易生悲  
牀邊露菊濃相識  
欲折寒枝贈所思

自興陽適寶城  
幾歷六十里到烏城院暫  
歇回瞻卽朝過路也仍成一律

朝發興陽午烏城回瞻咫尺卽前程  
避來大暑松陰密消得閒  
愁水氣清野鹿未會參世事  
海鷗那更識人情  
行旌催發天將夕  
歲晏窮途淚灑纒

送政府李從事

十載干戈有此生逢君無奈送君行心誠憂國  
因多病志不隨時合退耕漢北煙花猶在眼江  
南雲樹政關情光山真箇并州地願採風謠入  
頌聲

謹次趙分臺先生韻

京國衣冠海外州九秋光景一登樓異鄉盃酒  
悲兼喜暮歲行藏去又畱對鏡二毛生種種臨  
歧萬事却悠悠他時且記今時會醉裏聊寬客  
裏愁

珍島卽事

絕域孤城在天寒路更賒  
人居依榻抽地產是  
魚鰕雪裏供新菜霜邊折好花  
異方殊節候遠  
客奈愁何

綾城有感

連珠亭子小溪邊日暮鷗飛細雨天  
人世自生多少恨野花江柳亦淒然

茂朱偶詠

萬壘峯回別界間小亭新構壓蒼灣  
一筇山色披楓葉五夜波聲戛石灘  
松岸露深菌正滑林園霜落薤初團  
至人寶訣如能學我欲從君往

問丹

永思亭次思齋韻

對面平看方丈山如何此地便忘還當時不有  
竹溪子風月煙霞亦等閒

追記前日事奉呈兼善

昔別三清洞今過萬福橋樹稠藏屋小山靜似  
人高舉案供新齋傾缸潑濁醪離情坐薄暮絃  
斷雨蕭蕭

奉贈公元舊史

十二年前與子同驪江一棹泛春風龍門道路

三千里鳳闕煙花一萬重人事悠悠多變化離  
情脉脉各西東天涯相見揮清淚鬢髮蕭疎異  
昔容

次花山伯

按此詩癸卯按數本  
道軍務時巡到作

欲上征鞍已暮天却呼紅粉近花邊壺觴亂酌  
醺醺醉主倅登衙客欲眠

臨行又次

一馬長程木落天數聲鴻鴈入愁邊明宵又作  
龜城客霜月三更坐不眠

次龍仁板上韻

按此詩庚戌以湖西蓮  
幕辭朝時到縣作

不見龍門歲幾周  
偶來空館暫淹留  
亭欄瀟灑  
迎山翠池水玲瓏  
引澗流  
芳草東南西去路  
白頭四十九迴秋  
傷心一灑楊朱淚  
魂夢應知落某丘

愚漢中年久廢吟詠  
今洪偉夫

詩號西潭

將適

南州臨行語余曰  
此行何不爲一言以贈  
閒寂中將故舊詩什  
付之壁  
有時吟賞以  
開懷也  
余聞此言  
難以荒拙辭  
聊奉一律  
舊好如今有幾人  
君歌白雪我陽春  
邇來相悅  
看松茂忽此湖西  
隔海濱  
休把衰遲傷  
遠別勉

加食飯慰相親他年我去君應至共謝明時作

逸民

送李寬甫

民歲號敬亭

為禮曹正郎赴洛

按此詩癸

丑間居時作

瀛洲須學士粉署對星躔不有洪鈞重寧論小

相賢離懷傷暮景行色畏炎天京洛如相問茅

簷伴竹眠



梧峯先生文集卷一

梧峯先生文集卷二

檜山雜詠上

按檜山即昌原也癸丑赴任戊午遽還

次東軒板上韻

海畔尖山紅葉頽  
瘴江秋色透人來  
荒城日落羣鴉集  
絕塞霜深獨鴈回  
湘浦有懷聞廣樂  
玉京無路近蓬萊  
孤雲一去今千載  
短屐頻尋月影臺

次韓柳川 浚謙韻

刺史新登閣  
將軍舊下營  
葉稀山料峭  
風積海崢嶸  
祇爲丹心苦  
難禁白髮生  
霜天歸鴈盡  
何

限北望情

感舊

壘嶂擁孤城東征是舊營青冥橫殺氣風浪哭  
殘兵古戍歸鴉集荒堆落日明平生多感慨舊  
事更傷情

雜詠

寥落殘城傍海濱一官羈絆且藏身雲僊賞月  
臺猶在天將征倭事已陳瘴雨漫天簷濕重腥  
風吹海櫓移頻頻忘身老為官拙吟惱梅花一  
樹春

二

文昌故國千年地都督遺城百代塵  
離傍海項漁戶冷畝緣山麓  
邑居貧殊風異俗難爲政瘴  
雨腥煙易病人賴有 聖恩寬  
此恨一罇相對  
老梅春

夢中陪 筆趨 殿下覺而有感

未有涓埃答 聖朝白頭縣綬且道遙  
漆園蝴蝶來遽翅合浦明珠去寂寥  
烏鵲啼枝林影黑魚龍鬪海浪聲  
驕無端枕上三更夢霞蓋星冠  
謁紫霄

次板上韻

殘年鬢髮雪參差中夜登樓不寐時  
溟海千重臨北岸扶桑萬丈倚西枝  
壯心未已頻看劍  
興無端或賦詩  
瘴雨蠻風回首地  
莫令沾濕漢旌旗

中宵有感

微月初昇射海涯  
赤憎雲影住多時  
怒蛙聒聒依青草  
驚鵲杳杳繞故枝  
中夜登樓瞻北極  
暮年撥劍倚南垂  
憂端衮衮無能釋  
童子昏昏睡不知

二

一輪新月映天涯老子登樓獨立時河漢斗牛  
九萬里扶桑若木三千枝龍吟寶匣精光射鶴  
舞雕籠病翮垂徒倚曲欄仍夜久壯懷寥落有  
誰知

成精甫

安義

至喜甚把酒月下達曙而罷

老來偏覺別離多忽忽相逢意若何嶺外十年  
雙短鬢人間萬事一長歌京華杳杳音書斷江  
海悠悠節序過無限心情難衮衮共邀明月起  
婆娑

邀精甫私室

小齋公退澹生涯還似郊居宴坐時清澗汲澆  
新竹笋破籬牽補老藤枝佳人解唱黃雞曲老  
子愁看白髮垂未敢著軒高士號可能邀到舊  
心知

二

人生衮衮世無涯天管飛潛各有時鶴料有餘  
蒼壑蘚鷓巢不分上林枝但謀罇酒百年醉不  
用勲名千古垂分外誤恩綰墨綬非良恐負  
聖君知

三

玄圃茫茫弱水涯  
玉京羣帝宴酣時  
麻姑相送碧桃子  
羽客攀援瓊樹枝  
寰宇寂寥青鳥去  
僊壇縹緲白雲垂  
靈方寶籙今誰管  
來問東皇答不知

疊多字韻贈精甫

人間浩浩路歧多  
逆旅官居住幾何  
高閣有時環粉黛  
使君無事聽絃歌  
不須萬事恰當好  
亦可百年如此過  
俯仰乾坤容落魄  
何妨隨處得婆娑



南來海上青山多關嶺迢迢路幾何故國音書  
稀鴈使他鄉節序忽鶯歌百年跌宕琴書在千  
里逢迎惠好過無限滄波好明月直須酌酌大  
婆娑

寄精甫浴海水

贈子籠中物滄溟萬斛多清宵身欲羽白日眼  
無花自信青囊訣堪瘳白屋疴莫令醫國手虛  
老野人家

次放翁韻寄精甫

殘城敞閣強名官身似鷓鴣分易安罇酒倚酣  
虹吐氣詩章得助錦披肝竹崩圻地初聞箨梅  
子登盤忽覺酸歸計未成暫亦好故人時過共  
清歡

二

鐵冠白筆舊臺官同病江南枕未安萬事從他  
霜鬢髮百年倚箇鐵心肝窮途飽度人情薄末  
路方知宦味酸海畔孤城君去後綠樽明月爲  
誰歡

三

曾忝清朝禁省官南來何處是長安人生似葉  
飄歧路世故如雲熱肺肝翰墨故人詞格老山  
城太守酒盃酸九霄他日飛黃鵠倘念天涯一  
笑歡

次金大丘而靜允安韻呈鄭康侯維藩書  
丈

余忝守檜山海外不見相識久矣一日  
得觀康侯來過語及金大丘酬唱之作  
仍其韻一以敘懷一以記喜一以感舊  
一以自歎一以敘別以爲後日之記

一點孤燈半壁明白頭青眼故人行東樓話久  
仍無寐煙柳依依月滿城

二

殘年束帶惱淵明日向橋頭避吏行驚喜故人  
來問我一春桃杏海山城

三

海外相看鬢髮明欲將蘭蕙贈君行憶曾共待

金門詔三十年前入帝城

三十年前與  
康侯同赴試

四

故園遊興記分明作吏如今誤一行梅落海山

春事晚強謀歡伯壓愁城

五

天朗春晴海日明故人遮莫禁盃行人生邂逅  
無多日將奈明朝唱渭城

又演餘懷示康侯

萬事悠悠有聖明一官羈絆且畱行將身久  
入槐安國莫道言游理武城

二

曾入瑤池瑞日明星冠霞佩伴僊行謫來煙火  
三千界何處十二樓五城

次康侯韻贈別

春晚江南雨歇餘，綠樽相對竹陰疎。  
異時逸氣無多子，末路浮名祇惱予。  
身寄風塵長作客，夢回鄉國欲尋初。  
離亭芳草添羈恨，別後頻傳尺素魚。

二

殘年勝節惜春餘，舊雨來人倚小疎。  
白首斷腸頻送客，黃塵失脚最憐予。  
郡庭寂寞落花飛，後公嶺蒼茫月上初。  
相望不堪相別恨，請君看取北來魚。

次孫景徵月影臺用鄭郊隱韻

蒼山際海落崔嵬下有孤雲舊築臺  
悵望當年乘鶴去蕭條異代颺鳧來  
題詩剩作懷僊語對酒頻傾問月盃  
一夜滄波無限意清光曾照古人回

二

荒涼雉堞傍崔嵬老樹殘碑學士臺  
天柱中秋蟾寂寞遠城落日鶴歸來  
分明古道飛笳鳥悵今人舉酒盃  
記得僊區最奇絕清宵煙浪颺帆回

漫興

海山三月春寒深無日不風風且陰老梅欲綻  
轉枯落芳草纔長還蕭森時危俗薄有虞象路  
遠天長無好音山鳥不知人意思隔林啼亂惱  
春心

舟行泊木瓜島登眺而歸有詠

海門天豁絕浮埃萬頃銀波一棹閒殘照颺紅  
帆影動長風卷碧浪花顛長思聖哲乘禔去不  
許童男採藥來化得此身雙白鷺眼中島嶼徧  
探回



次景徵寄李叔平

拔號蒼后

韻送景徵

遙想郊居者茂林霧灘煙嶂綵沈沈初年東海  
持竿手晚節南山種豆心沙岸投筇隨好景野  
亭移板趁清陰龍鍾音被浮名繫坐嘯東樓三  
半簪

景徵書至示密伯載酒馱妓邀我于空明

亭下泛舟沂江仍過郭季綬

再祐號忘憂堂

江亭

有約與景徵同之

聲叟書來好事傳空明亭下泛蘭船乘鳥相逐  
嶺南宰駕鶴仍過江上僊紅袖引行環似玉綠

樽圍坐酌如泉湖山一醉狂歡賞千載風流說

此筵

嶺南樓名

### 泛舟記景

澄江如練靜無波日夕蒼巒擁綺羅飛鷺雙雙  
屏裏去游魚一一鏡中過片帆轉岸沙痕動細  
浪搖空櫓影多南極老人來且近洞天相對酌  
流霞

### 感懷用杜韻

鄉國辭千里關河落一邊蹉跎良久矣漢落意  
悠然猥被清朝記慚紆聖澤偏墨徽寬再活符

竹許重縣去境霜飛葉還程雪吹筵途中殊阮  
籍查上似張騫葉縣乘鳥爲僊遊鑄鐵船曾如  
吞八九眼欲隘三千勝旣兼湖嶺衣冠異澗瀍  
陶園歸未早汲閤臥能堅夷險應無地行藏只  
有天鷓鴣曾忝後糠粃獲居前羽翼來商嶺笙  
簫引緜巔狂歌還八楚浪迹却遊燕人事如飛  
電光陰若逝川洪鑪舜造化崇極仰回旋丕烈  
銘丹鼎神功握褚鞭星宮羅衆瑞霞蓋擁羣僊  
紫詰花滋露丹爐柳拂煙橫金光翕絕鳴玉響  
潺湲琪樹雲生爛瑤池日上鮮丘園飛東帛筐

篋送金錢漢代威儀盛周家曆數綿夔龍來踵  
武衛霍動磨肩七萃金槍臥三邊甲士眠將軍  
環甲第學士帶花牋雖少鳧鴻去猶多柱石賢  
風塵身草草江海影翩翩跼伏甘樗散浮沈學  
瓦全幽棲誰憇強落魄自悲憐有賦懷揚意無  
氈坐鄭虔露葵傾日苦榆柳拗秋先銀鑷添新  
摘羊裘任舊穿盤食收紫芋藥物覓黃蓮對酒  
時連酌題詩或累篇自知生事了不冀好音傳  
垂寵尋遺履回光理斷絃飄零渾破膽感激欲  
張拳盤錯能知器貪廉豈問泉城頽經百戰事

往閱千年雉堞歸蕪沒樓臺作棄捐淒涼茅店  
戶嶢嶠火耕田化理慙三異聲名負二玄定非  
行偶爾蓋有數存焉碧海雲收瘴蒼臺月滿弦  
偷閒船一泛隨興席頻遷殷地吟笳發搖空刺  
柁聯茲遊非澹泊此道豈迤邐爽氣看山足長  
風駕浪便恩榮隨處在都護亦騰騫

按杜詩騫  
字疊韻

春日將遊月影臺用趙生韻

海山春日暖花竹媚臺亭逐浪鷗飛遠乘風燕  
舞輕簿書偷暇日花柳惹閒情賴有冠童侶歡  
棕趁後生

春日遊月影臺

古堞文昌郡荒臺學士蹤  
風煙猶舊態花柳爲誰容  
感古詩千首醅春酒一鍾  
冠童二三子歸待月生峯

二

簿牒叢中鬢已殘  
偶然乘興駕遊鞍  
行尋芳草雙鞋穩  
歸泛滄波一棹安  
渚柳岸花偷眼  
過白沙蒼石洗心看  
蟾輪未出還歸去  
回戀孤臺意未闌

迴舟

遊罷歸來日已昏  
櫓聲鴉軋破潮痕  
沙頭列炬明如晝  
還愧窮閭一度煩

散軼有李叔平往在京師送我赴湖幕敘別詩時爲弘文校理今爲豐基郡守閱未終篇忽忽有懷適見狂風大雨仍次其韻

記別意

同時作吏嶺州城  
往歲忽忽別帝京  
千里關河雙短鬢  
百年世事一傷情  
狂潮打岸黃沙走  
驟雨連江白浪生  
欲寄故人覓詩句  
危肝突兀未能平

二

一官牢落海邊城  
伏枕青楓限玉京  
新月淒涼來有信  
行雲容易去無情  
滄溟倚酒愁難遣  
節序添詩瘦易生  
劍在腰間龍怒吼  
他年慎莫過延平

三

憐君詩似謝宣城  
妙歲爲文學二京  
共理由來明主事  
拾遺自是驚臣情  
海濤漸瀝潮痕退  
嶺日蒼茫暝靄生  
兩地相思不相見  
勉加飡飯各安平



附本韻

按此詩光海朝庚戌作

二十年前過赤城，千里外會西京。悠悠欲說中間事，慘慘難爲故舊情。臺閣卽今多後進，朝廷誰復記先生。孤帆又向湖中去，風雨前江浪未平。

苦霖雨不霽連月陰霾

瘴風仍雨雨仍霾，十日曾無一日開。烏兔韜輝天黯慘，蛟龍作勢浪崔嵬。卽知東海妖氛在，未信西山爽氣來。物色蒼茫人意苦，獨憑危檻嘯

歌迴

卽事

綠槐陰覆數家村插竹爲籬棘擁門雨歇前郊  
放牛馬野人時傍隴頭喧

次而靜壁上畱題韻

晚風吹浪急海曲雲陰生春雨一燈暗故人雙  
鬢明夢魂飛玉闕籌策倚金城杯酒難娛客逢  
君飲盡情

二

青春冉冉逝白髮朝朝生志大無勲業時危有  
聖明煙花迷遠嶼鼓角殷高城相問故人在

暮年同此情

三

郎潛二十載不說誤平生  
白首孤忠在蒼天老  
眼明破閒棊作陣排  
憫酒爲城夜夜看明月  
懷人無限情

四

故人一來往誰復憫吾生  
春曉杜鵑叫夜深星  
斗明魂飄洛東屋夢入漢陽城  
耿耿孤腸惱關  
心兩種情

庭畔百日紅盛開北枝先發

童童一樹擁墻隈細柳將軍好事栽天意無私  
花意苦南枝未發北枝催繁華過雨循簷爛絳  
萼隨風滿地願畱得十旬供勝賞陸餘惟恨欠  
香來

又古風一首

有樹碧童童槎牙十尺崇非是松杞材却避桃  
李叢青春讓紅紫朱夏方葱曠慣霑三伏雨高  
颺南海風濃陰擁階庭爛色射窻櫺逐逐舞戲  
蝶喧喧鬧遊蜂不辭百日榮貪饕造化可客來  
何多事折取煩兒童近鼻覺酸醜徒爾顏色紅

對此忽不樂寧飲三斗葱客去還就睡夢上方  
丈峯峯頭有桂樹老幹聳蒼穹鸞鳳棲其枝九  
秋香滿空願言折瓊華獻之玉皇宮玉皇饜霞  
郁顏貌日以豐餘香分下界千秋萬歲無始終

輓申懼之宗文

位隱 ○按公號城  
贈左承旨

吾鵝殘絳尚綿綿嘗幸公家福履延雙竹遺風  
傳世範三珠寶彩稱家賢長思野屋披罇夕無  
復禪房對局年在世浪悲公不憾雙靈借安慰  
重泉

二

相逢話舊漸無人  
眼底情親迹已陳  
五老山前聞卜兆  
朔風回首倍傷神

三

往歲鄉庠把酒罇  
別來誰道死生分  
他時無限還鄉淚  
灑盡東風五老雲

春間計乞暇首先  
壙仍欲往吊及之

枕上忽憶三十年前與家兄及鄰友讀書  
于冰山寺寺壁有尹相國題短律余與鄰  
友皆次其韻今尚領其意而詞則忘之改  
綴以遂其意且寺火于兵而今爲書院不  
能無古今存亡之感而棲息之便與僧家

時大別有往遊之願不能禁

沿溪尋古寺石塔幾千秋燈影照無睡  
磬流供散愁冰風思爽豁雪月愛清幽  
勝槩宜冬夏長年我欲畱

右遂異時意

忽憶冰山會居然三十秋古今惟有夢存歿不  
禁愁汛掃千燈陋安排一畝幽冰風三伏日欲  
往少遲畱

右記感意

卽事十絕

蕭條港口兩三家苦道今年重稅科分付家人  
善餉吏旋乘舫艇入滄波

二

漁戶淒涼點白沙一天明月冷煙波輕舟似葉  
生涯薄官將臨門權利多

三

吏向柴門絡繹過得魚稀少稅魚多婦呼翁走  
須臾定霜月淒涼映浦沙

四

誰喚東溟大釣公覃恩霑飽溯河東織鱗細較  
漁人利海味那甘久住翁

五



平沙跳躍碧鱗織博利纔饒苦未厭  
靜聽船頭相偶語邇來官長太無廉

六

刺網投波掩大洋弱鱗投岸積如岡  
黃昏載泊南村港官吏登船課稅忙

七

天寒歲暮宿波中直遡西風到朔風  
終歲滄溟船泛泛喫魚非是獵魚翁

八

垢面蓬頭海上翁三冬辛苦未謀躬  
四羣蟲從古

能肥國不用然桑計利工

九

籬落煙生朝日輝  
舟人刺棹捕魚歸  
翁兒叫號官催稅  
鷗鷺渾驚不近飛

十

平明日出集烏鴉  
括筭漁舟將吏譁  
頭白使君還面赤  
拈毫終夕押催科

次鵝溪李公卷中三絕韻不用元韻意

殘歲他鄉戀故鄉  
五更歸夢路茫茫  
窮途一灑楊生淚  
誰記當時粉省郎

二

百年南北又東西黃草西風病馬啼歸臥故山  
思爛熟一瓶春酒對花攜

三 按寒問言曰臺詩及及考官不意尊亦  
在其中心聖恩特原於大臣獻議云

簿牒叢中老病身空堂坐嘯向蒼旻脫來天馬  
誰為力臺閣如今有好人時以試  
被論

戲次孫宜伯文索笠韻

妙歲才華老一簞如何不著鷓鴣冠空思蜀繭  
新絲嫩苦戀淇園舊竹攢山野行裝宜補略水  
雲生理任艱難角巾林下來相過良約他年會

有完

二

世事從來八九違野翁生計未全非湖山不負  
雙芒屐風月適容一草衣千駟貴人甘飽煖五  
陵公子詫輕肥安間一味輸翁盡莫用人間有  
所祈

次五峯相國

李公韻

宇宙悠悠獨上樓漫郎疎宕本無儔願傾北斗  
酬南極釀盡滄溟滿意遊

附本韻

合浦營前水拍樓吟詩太守是僊儔南歸須  
及中秋節好作孤雲月影遊

次簡齋韻

草草功名興已闌白頭歧路慣炎寒客中閱  
憑詩課愁裏光陰把鏡看世路崎嶇經九折危  
腸突兀轉千盤罇前一索梅花笑忽覺新年上  
鬢端

逼歲除有感

榆柳頻驚歲序更海山元日再回經年年不覺  
身添老喜見兒童易長成

疊樓字韻

水色山光翠入樓  
海天鷗鷺卽良儔  
夢中聽說孤雲子  
物色分留爲爾遊

二

地近玉京天上樓  
翁爲南極老人儔  
一天明月中秋夜  
無限風流自在遊

春帖

三邊白日風塵靜  
萬國青春雨露新  
太守招邀南極老  
與民同作太平人

夢見先君對燈笑  
語著半紫衣宛如平昔

歡然如有得却念非真悵然乃覺

半白鬚眉半紫衣對燈顏面笑談微多情蝴蝶  
將何挽心怕歡情覺後非

梁旣至病未迎接詩以謝之

臘後寒欺客年來病惱人拋書從散帙懸榻任  
生塵園竹心猶苦庭梅眼已均異時如有意來

及野臺春

野中有  
月影臺

李僉知浚持鳳臨臺獨樂堂韻來索和

接

浚即晦齋先  
主之庶孫也

卜築名區占地奇憶會經過少淹遲溪亭山院

猶今日苦竹寒梅似舊時瓊嶠拔雲分氣像鑑  
流涵月映襟期邇來定發琪花樹試欲追遊往  
採之

田豐前韻

曾過紫玉試探奇入洞回車不恨遲悵望當年  
無盡淚淒涼異代不同時林泉古宅空遺迹風  
雨嚴程豈素期寄語院中諸學士倘收遺訓百  
千之

次五峯韻

紺流野寒鏡壓以亭宇奇當時獨往意蓋將終



於斯九原不可作後人空自悲舊竹翠猗猗老  
梅白垂垂堂構慎勿墜歲晏聊相隨

次東岳

李公諒韻二首記丁酉事一首贈別李公

君子堂中興欲迷繞簷蒼嶂近窻溪  
顧入不見

風塵起門外將軍按水犀

時元帥寓獨樂堂

二

半生形役覺途迷洗出肝腸向玉溪  
還歎軍州風土裏竹園梅端擁文犀

三

薄宦天涯客路迷逢君來自玉山溪  
病中還是

忽忽去離恨朝來上角犀

漫述

騎愁宦意病仍兼白首黃塵困米鹽人世屢驚  
冰躍馬功名不恨竹登鮎老梅欲動寒威緊殘  
日初沈瘴勢嚴徒倚破窻看月出下來庭際步

巡簷

曾別舍身立夫之信又送宜夫之義意頗

苦見道中書投宿漆原朝至道洪天寒不  
可堪云

三年為客別離頻兩茅連辭意更辛風亂孤燈

漆原縣天寒一棹道洪津影分鴻鴈雲俱散夢  
破池塘草自春談笑慰情猶勉強板輿叨奉大  
夫人

次簡齋韻示友

十年萬事獨憑闌天色沈沈海氣寒末路風塵  
空自老五更星斗祇勞看詩來拂匣經磨拭志  
在揮斤向錯盤罇酒可謀拚一醉傍人且莫詰  
更端

右罷衙述興

耿耿何曾夜色闌五更欹枕覺生寒雞聲裊裊  
驚人舞月色依依惱客看綠綺埋塵絃不理青

萍吼匝氣空盤俄聞羣動來相擾霜髮徐梳意  
萬端

右曉起述興

趙生任道前後兩采浮言送書蓋出於邑  
人推擠之語尚不決去可笑成短律

速誇彌年所流言定是非卽州難解崇彭澤尚  
稽歸唁札煩相識迷途悵獨悲冥冥雲外鳥目

送羨高飛

按趙公號開松堂官至持平速誇疑綿布事見竹狀

狂風

雄雄礮礮挾雷車騰踏橫馳萬馬過翻倒萬竿  
寒竹葉侵陵一樹老梅花天翻地覆傷春色雪

虐霜饕妬歲華燈亂破窻仍夜久三更不寐坐  
長哦

春雪

青帝收功苦太遲玄冥不肯撤餘威冰流銀漢  
天應老凍折崑崙地亦危荆楚苦寒還不耐東  
南殺氣有誰知老儒憂國還無策挑盡青燈續  
古詩

合前兩意爲一篇

吹送黑雲飛四垂土囊狂吼騁雄馳蕩搖北斗  
迴天軸傾倒南溟戛地維列岳崢嶸林樹折荒

村家落鳥烏飢立平坑沒深三尺南國今年始  
見之

疊闌字韻

暮年遊興未曾闌作吏南來再暑寒彭澤詞成  
還自笑春陵詩就與誰看波間落照橫金柱臺  
上明輝轉玉盤蠟屐蘭漿來往意况如孤鶴出  
雲端

二

衮衮人寰事未闌身如喬木脫炎寒洛中舊侶  
誰相問鏡裏衰容獨自看石鼎潑雲茶滿碗鑿

刀飛雪膾登盤平生守拙爲官 缺 何用區區效  
棘端

三

曾入邯鄲夢未闌微臣自是出孤寒百年節序  
長吟過萬古山河一醉看楚客向來捐玉玦漢  
庭何處望金盤人間倘有知心子試欲揮斤落  
鼻端

四

昔年樓閣掩紅闌兵後蕭條小屋寒征虜風稜  
難想像宴賓文字獨畱看鴈聲斷續逢春盡山

勢崢嶸感海盤長嘯一聲天欲暮獨憑雲劍倚  
雲端

醉中三絕時鄰倅見過

碧天如水夜沈寥星斗迢迢影動搖何處一聲  
來白鶴雲僊飛過不須招

二

倚闌孤嘯鬢飄飄碧海青天夜寂寥賴有可人  
來笑語酒酣歌吹慰蕭條

三

殊方喜見好人來一病三年強酒盃長笛吹殘



滄海闊酒餘仍作玉山頽

燈火將盡

玉虹拖盡剝瓊蟲欲燼餘輝閃閃紅百世燈明  
燈暗裏人生夢覺自無窮

咏梅

絳袂新妝倚竹根青春白日喜團圓從今不負  
南來眼枝上分明學士魂

次簡齋

明時甄拔引萍流不用葡萄坐領州 聖主鴻  
恩深似海孤臣霜髮冷如秋從知一馬難非是

始信雙鳧易去畱壯事老謀俱已矣浮名從此  
且應休

二

海山蒼翠接頭流南國雄蕭舊檜州細柳營頽  
經百戰孤雲臺古閱千秋風塵荏苒時將晚鬢  
髮蕭疎客自畱畢竟行裝歸一笑謀生經世兩  
都休

三

捲却瀟湘欲倒流風飛羽檄過軍州鱉艦躍海  
凌千頃劔戟揮霜閃九秋壯歲襟期容易負殘

年節序奈何留庭前一朶梅花樹自向青春笑

不休

適有  
水滸

四

野客龍鍾素下流誤恩重領海邊州心如櫂馬  
懷千里身似籠鷹病九秋著眼煙花驚易失轉  
頭光景苦難留人寰擾擾多歧路堪笑遊人不

自休

五

想見名區集勝流奇觀從古說昌州新歡正待  
今宵月宿債仍思去歲秋百代僊標相感會千

年物色剝分畱滄波一棹歸來晚瞻望長吟意

未休

廣文與諸公賞月影臺余病未與  
焉前歲中秋一遊自後未復往遊

奉送金察訪汝朝赴會試

南國梅花老樹春如今折得贈行人芳華自是  
來玄圃佳實應須入紫宸三載過從湖海夢一  
罇離別路歧塵煙花節序還無賴孤嘯黃堂欠  
素親

二

吟哦對竹伴沈寥一起搏風鷗路遙丹鼎煉殘  
身欲羽晴窗虹吐氣冲霄百年交道投明月千

里離程贈繞朝迴望五雲環紫極故人天未慰  
無聊

三

離程不作意淒涼  
滿滿東風綠玉觴  
醉看梅花千點雪  
時時飄落入池塘

四

醉眼恢恢滄海客  
織歌裊裊越溪兒  
人生一醉傾千恨  
且向東風倒玉危

五

此日間君萬里行  
離程領我一盃情  
東風芳草

孤遊恨慣聽離鴻北去聲

春日與朴廣文遊後洞

按廣文昌原教  
授也未詳其名

出城沿壑似尋真愛聽潺湲石澗瀆行入青松  
何用蓋坐因芳草不須茵迴頭忽近三清路揮  
手懸忘五斗塵無限春風光景裏綠樽相笑舊

同人

南城門上同廣文別將對酌用別將韻

日朗天晴月正三更  
麥風吹野變青潭山河此地  
名天下詩酒吾儕集  
斗南嵐盡林巒新雨洗爽  
來筵席好風參醉吟  
豪句滄溟動星散他年各

勝談

北亭示廣文

牢落古城上東風西日斜  
樹林好鳥語籬落嬌  
桃花世事惱人意天機  
生物華兩年寒食節為  
客在天涯

二

荒草舊華館尋披一逕斜  
山河猶古色桃李自  
春花物物挑鄉思年年  
負歲華青樽橫落照一  
笑意無涯

晉州清心軒上次李調度用板上韻時調以

千秋伎  
將赴京

清心軒影落滄江元氣淨  
春擁八窻良覲暮年  
還萬里異時消息鴈雙雙

二

韶陽麗景媚清江  
綺席風來爽逗窻  
多賀相公  
寬禮數漫郎疎岩本無雙

三

蘭漿直欲泝前江  
却向華軒拓畫窻  
雲外雪山  
看直巖管春明山杏樹千雙  
初擬泛舟以風止

四



同年落地轉相親歲晏相逢兩會神明月海天

煩夢想日邊僊馭岸烏巾及公與我同年生公詩此意因次其作

校中諸生持酒來會同彥時對酌

古閣臨滄海虛簷爽氣澄萍華新潑瘴瓦竹葉亂  
棲燈三五諸名教琴書舊友朋團圓成夜飲微

月逗簾稜

漫興

微雨朝來歇園林露未晞亂蜂喧逗葉驚雀啁  
爭枝未問興居穩聊歡薄牒稀一觴供宴坐微  
醉敢題詩

送餞廣文彥時酒席亂稿

自謂非狂人謂狂百年萍梗足淒涼愁邊白髮  
盈簪短醉裏青萍拔鞘長為客屢驚新歲律臨  
歧頻勸故人觴海天明月君歸後無限尖山割  
我腸

二

雨夜蕭蕭燈燭耿風樓一一歌管忙故人欲去  
且少住行酒賦詩殊未央南天萬里老人出東  
海千文扶桑長男兒志願蓋棺定不用離程空  
斷腸

三

世間吾輩亦風流  
宇宙悠悠一上樓  
行客居人未為別  
緩歌慢笛還相酬  
眼邊事過紛千態  
掌上盈行且幾籌  
即事別離終不久  
倘君重到月

明秋

院北村述事

頭流碧萬疊  
一脚走天東  
蜿蜒鍾淑氣  
突兀聳蒼峯  
天然作一丘  
洞壑頗寬通  
平時里閭稠  
豪家嶺之崇  
北發鐵於菟  
翕翥振家風  
巧劍足武庫  
翰墨饒詞鋒  
貂蟬接行序  
牙纛傳世功  
人稱

老釋相福萃知郡翁三城遞甘旨海營魚錯豔  
萱草色敷腴棣萼眩冲融合杏擁翠蓋聯翩飛  
綵駿勝事擅門戶美談傳不窮有美天嶺老意  
氣薄層空一生長笑了恥與萬人同曩日風塵  
際遠想在崆峒石筋落黃石事畢竟何有躬諸公  
圖麒麟甲第連蒼穹何功享富貴獨不動心衷  
凡百恐失墜載筆倘為聰叔姪死碧海一門有  
三忠像想平生語宿昔恨忡忡春風過遺墟滿  
谷花如烘東迴雙玉筍西颺鳴玲瓏依然盤谷  
裏宛似武峽中往往墻壁頽茅舍環蒿蓬臨風

起感歎往事却夢夢賴有二三子款曲來迎逢  
為有瓜葛緣且愛蘭玉叢家聲慎相保豈無繼  
世雄欲起還被肘罇罍盈玉紅信美不可住客  
意何忽忽明朝在歧路馬頭塵土蒙

院北為村古也山峻而迴洞寬而密洞口有  
奇巖有雙峯拔秀當前迴拱人居背山而臨  
溪溪有盤石自外視不知其有人家入其中  
方覺其為勝地也始趙氏來居夢有鐵虎入  
洞者三而二健一病遂仍以銅金鐵三虎名  
其後鐵無雲仍銅與金盛其苗裔至今為咸

望族孱與健之應歟銅官至知郡有子七人  
三登文科有官至亞卿至通政一世冠冕聲  
華籍甚金登武科官至知府亦有名績有子  
繼業官至節度知郡暮齡三子爲養乞鄰郡  
府鼎立而供甘旨又有一子騫佐水營知郡  
公享四子養與知府公怡怡同其樂至今爲  
美談嘗聞知郡公坦坐野亭有行路見而奇  
之曰乳肥而大腹垂而闊此老之像其福人  
歟卽家人四代祖虞侯卽三代祖也今之存  
者多虞侯之後最盛有名宗道字伯由卽金

虎後也氣岸軒豁志操耿介平日以大笑自  
號遭亂宰咸陽余時以幕官過郡境公持酒  
出迎席間語及時事揮淚嗚咽仍誦新作崆  
峒山外生猶樂巡遠城中死亦榮之句未數  
月賊來陷黃石山城公時已遷邑宰猶入城  
與郭趨握手同死於城中蓋不欲負素志也  
又有判事名鵬卽虞侯後孫與余嘗有厚分  
死於舟師其姪凝道以固城縣令亦戰死無  
愧爲忠矣時余宰檜山過此有宣傳官益道  
卽家人再從兄弟繼居知郡公故基仍止宿

其家有英漢卽天嶺公長嗣也來會頗款曲  
宣傳有三子英英美質稱其家後於是知家  
聲可保矣余之述此荒句非事吟玩欲使豚  
兒知其母家故事而有感於懷亦知外門有  
天嶺公之忠義而自勉也

按天嶺  
卽咸陽

### 感興

野闊天高獨上臺暮年長嘯覺悲哀世情若水  
悠悠去人事如絲衮衮來雲日欲沈林靄合海  
風初起浪花頽長年不管羈遊恨刺棹揚帆落  
照廻



海錄九首

清晨下海廳樓船後浦前山一瞥然簫鼓嘲歌  
掀碧浪檣帆凌亂割蒼煙虛聞銅柱撐南極實  
行星槎下蜀天還愧書生今白髮油幢昔日叅  
筓呀延

右發船馬山向統營

丁酉年間事恍然經過一一問長年千重鯨浪  
過如箭萬斛龍驤散若煙虎豹據山賢不之蚍  
蜉撼樹計堪憐藺公能為廉願屈今古賢愚度  
量縣

右佳岑有感

聯枕齊橈割翠浪天明一一集前洋蛟龍避窟

分旗影霜雪迴光耀劍鉞奇正舊聞諸葛箕指  
揮新出戚公方相門沛澤霑羣下重慰魚飢費  
餌香

右水操

直遡滄波發棹歌迅風輕纜追鯨鼉丁寧黃帽  
分夷險縹緲青山祝邇遐肝膽百年凌虎窟萍  
蓬此日泊龍涯遙看幕府開清旭十丈金支影  
蕩摩

右泊頭龍浦

日出巖崖淨清朝解纜初波澄天影落沙靜鏡  
光虛煙起諸軍爨船迴遠戶漁平生耽勝槩欲  
去更徐徐

右泊頭龍外洋

大將執門百尺旗指揮羣校盡熊羆還聞奏級  
蓬萊殿反借區區一女兒

萬頃滄溟一葉舟摧殘強虜櫓聲柔人間無膽

諸男子橫帶黃金盡黑頭 右二首贈營孃此

壬辰夜半逢倭三人乘舟來欲棄舟與姪兒二人持櫓拍殺時水使元均以其級錄於渠家子

會罷歡娛海國營十年重到鬢星星蛟龍應識  
罇前向雲雨還迷枕上情幕府樓臺依夙昔將  
軍部曲異平生逢渠說著當時事一夢悠悠涕

自零

右頭龍有感

陸老詩篇倚梨看高風萬丈颯餘寒百年報國  
心肝在醉向西州意未闌右舟中看陸詩

輓徐徵君行甫

思遠號樂齋

文

徵君拔俗三千丈落落高標古士稀投棘青鸞  
聊暫屈出雲黃鵠本冥飛驚聞玉樹埋重壤悵  
想靈芝冠衆菲灑向輓牋無限淚少微從此失  
光輝

平居余嘗誦荆公賦王昭君人生得意無  
南北之句每致疑以爲失昭君心且不宜  
以此說爲臣妾道又得東國詩宗二絕其

意祖荆公余反其意因以其韻賦二絕又  
一絕詩家皆咎毛公余以昭君自咎次別

韻

羶車一出漢關門萬里迢迢戀至尊恨未埋身  
關內土恥將巾鏡事胡君

二

風沙日日愁胡地鴻鴈年年送故鄉冤恨分明  
墳上草一區春色奉天王

三

誰將妍醜誤毫端却向毛公欲怨難自是妾身

多薄命一生無分對龍顏

道傍有冷泉昔年取飲感暑頗覺爽然今  
熱不可飲感而賦一絕

涓流本出涸陰寒暑令曾過爽逗肝旋逐人情  
羞冷號即鄰炎并熱波瀾

喜雨有送仍祝

時天旱祭  
伽伽津

候雨看天日幾回響簷知有雨聲來霏微細霧  
輕泥濕颯杳狂飈大地雷隴畝已霑禾黍色郊  
墟淨洗路歧埃 明王修省蒼靈感吹送同雲  
遍八垓

熊神寺

爲祈雨往  
宿于寺

峽路崎嶇滑碧苔巖頭下馬去登臺石溪響  
塵根洗亭樹陰稠爽氣迴庵老衣冠依古昔  
君顏尚帶悲哀白頭未斷蒼生念夜向靈壇  
雨來

二

壘巘簪抽闌玉流擊巖新構小堂幽僧眠佛日  
鑪香散鳥宿禪枝葉影稠試問諸天分咫尺欲  
招羣帝共夷猶靈壇祭罷清齋臥夢裏依然到

十洲

次杜韻贈丘景仰山立

久別丹丘子相逢瘴海雲悲歡衰境淚存歿舊  
遊羣竹榻凌天暑松簷漏日曛平生奏流水今  
日爲君聞

用前韻詠孤雲

文昌老僊子筆下散春雲掃盡千羊路鳴空萬  
馬羣聲名傾宇宙山海送朝曛月影臺猶在清  
風百世間

又用前韻和景仰

可入吾黨友高義薄層雲天地豺狼路江湖烏



獸羣論交傷暮景欲別畏炎曛莫把儂消息還  
教猿鶴聞

暮景呼韻

海嶽沈沈淨夕陰樹禽棲定悄無音白頭不禁  
黃昏淚何限懷鄉去國心

二

山色青葱海色陰郡庭牢落斷蛩音要將詩律  
寬羈恨不學離蟲苦用心

雨後臥東軒與景仰賦絕句

臥穩公堂似野家階庭蕭散竹陰透清宵雨後

炎蒸退天借房櫺月色多

天陰不雨三日

欲雨不雨天陰陰陰三日雲沈沈萬姓嗷嗷  
望天苦虐愆餘威猶不禁豈無罪微灑下土膏  
澤入地奈不深但勞明主修省意調元閣上  
責誰任

流頭日夜遊贈景仰

流頭佳節序開口舊情親亂舞招南極狂歌隘  
八垠星飛銀燭爛萍潑綠醪新醉後同君臥蟾  
光爽透身

暮景明麗望海有席帆高撐帶夕照而來  
真畫中事也

眼中奇事句難裁天遠郊平霽色開  
落照滄波如畫裏席帆橫棹飽風來

蓮池久旱乾涸太半傷損雨後貯水尚有  
數朶芙蓉始發當暮巡池而往見清香襲  
人甚可愛玩傍有些紫薇些紫薇無香有感而  
述

半枯矮葉著乾池畏日炎天雨露遲  
畱得數叢香不淡晚風吹過紫薇枝

二

芟穢夷荒護碧蓮今朝得雨貯清漣餘香壓倒  
紫薇樹色相蕭條更可憐

苦熱

陽烏一步九徘徊卓午炎光遍八垓江國地卑  
吹毒熱草棚陰薄射流埃冰盤薦座時頻問風  
箠揮筵日幾迴安得玄冬披白葛踏來松壑臺  
皚皚

與景仰圍碁殆一月不止

林木蕭疎覆矮屋白日苔庭簷影移玉局三旬

無限笑絕勝辛苦課營為

新山書院

巨浸雄巒第一區千秋應待碩人遊當時扇落  
風聲在異代蕭條物色留荆廟舊墟存景仰貯  
書新院待藏修客來不見青衿伴門外玲瓏碧  
澗流

二

久聞山海擅名區天放高蹤獨往遊猶想堂階  
間磬效却憐萍梗寄淹留十年兵甲傷蕪沒一  
畝儒宮喜初修人世邇來歧路異願尋真派問

源流

次趙大而亭道韻

晚涼吹送早秋天老子如今中聖賢青眼遠來  
滄海外綠樽相把紫薇邊乾坤落落雙蓬鬢人  
世悠悠一醉眠徒倚曲欄明月夜縱觀南極老  
人躔

二

誤恩分百里祿秩古諸侯榆柳經三載梧桐又  
一秋對山晨柱笏看月夜登樓莫道無官況人  
間是勝遊

三

滄海連吳會青山似越州殘年兼勝旣異域辨  
清遊晚浦潮還汐南臺月近秋白頭驚別恨誰  
復慰孤愁

孟秋十九日述感懷

不忍平生讀蓼莪高秋此日熱中多眼前鍾鼎  
榮何有夢裏松楸歲屢過有意壁間看乳鷺無  
心席上酌流霞天荒地老孤兒痛忽忽如今鬢  
已皤

漫興

高秋雨色動微寒  
畫角聲中日已殘  
斗米折腰淹絕塞  
關河垂涕憑危欄  
堂堂節序人空老  
擾擾塵寰事未闌  
夢裏終南何處路  
覺來明月出天端

二

白頭老子坐東軒  
肝膽輪囷未圓宿  
鳥羣羣投葉密  
遊蜂箇箇逐花繁  
南來地盡溟波動  
北望天高斗宇昏  
灑向青楓無限淚  
日邊何處是龍門

龍門

夜中詠



荒城日入海冥冥  
牢落色籬擁晚庭  
樹影沈沈仍夜色  
蟲鳴切切已秋聲  
三年觸瘴元多病  
萬事關懷自不平  
北望天高星斗爛  
孤臣白髮此時生

道興津

蒼壁明沙滌水涯  
名區屬與野人家  
朝來洗出青銅鏡  
日晚雲開江不波

芑山次五峯詠梅板韻

炎天梅蘂著詩新  
颯颯吹香喚起人  
倘過松風亭下路  
免爲生客雪中春

二

芙蓉落盡紫薇新  
檻外繁華惱殺人  
何似歲寒瓊萼樹  
霜鬢食雪虐  
獨含春

三

同來海曲鬢眉添  
新何忍天涯送故人  
雪態冰姿

老梅樹異時相對  
夢中春

時主倅詩君  
信秩請臨歸

四

世事如雲日更新  
玄都幾箇看花人  
可憐白首江南客  
三折梅花庾嶺春

路中用前韻浪述

十里湖山入眼新  
白鷗應笑倦遊人  
殘年客路身垂老  
虛了浮生五十春

用古韻漫述

岸風蕭瑟不禁霜  
無限尖山割我腸  
多病邇來停酒椀  
半庭黃菊自重陽

郭季綬令公自江亭送階下自生石櫺五  
箇仍述一篇謝之

東洛金衣使蹢躅  
落海隅墮地石櫺子飛來自  
僊區團圓裏黃金璀璨絡丹珠  
試劈風露寒登盤敬馬老夫邇來病風癘  
心緒多煩紆一吞新爽

迴再嚼沈疴蘇俄覺身骨輕忽欲凌風衢遠逐  
鸞鶴膠飛過洞庭湖濯足望八荒追遊韓衆徒  
老僊如顧我此道應不孤

次景徵秋懷韻

瘴海寒吹緊荒城落照昏情親顏面少軍國簡  
書煩宿疾連針藥良辰斷酒罇淹留從落魄大  
度倚乾坤

次趙安仲

靖號

韻贈別許而正秩滿還洛

朔風吹緊葉飛城古館蕭條短燭明  
仍別語江南無限去番情

宿花園用前韻漫述

殘年不合臥邊城，只爲恩深戀聖明。  
歷歷適來千萬事，白頭歧路慣人情。

二

鴈聲來自洛陽城，一夜霜天海月明。  
欵枕驛窗寒不寐，朔風吹惱老臣情。

三

千愁礪魄禁牢城，只信蒼天老眼明。  
聞說東山安石去，野人無賴獻芹情。

兒子參試

今見兒名在選中長途萬里意何窮更尋蔗境  
佳田地莫學區區效乃翁

武科都會掌試記見

帷幕雲開集羽林早朝清旭映森森沙場縹緲  
分旌旆烟浦微茫殿鼓金馳逸游龍爭急電引  
團明月恟飛禽如今選致中林士王國從茲  
有腹心

夜間枕上忽憶舍兄存亡惱懷

兄弟人皆有存亡我獨悲鷓原荒宿草荆樹老  
餘枝夢想依顏面生平費涕洟最堪長太息門

戶漸凋衰

次陸詩韻

睡起東窗逗日華已聞郡吏候朝衙  
挂梳短髮渾披雪當字昏眸便疊花  
銅鏡累回愁裏影荆扉頻叩夢中家  
何方禁得心頭火無賴區區喚酒巴

老病侵尋若有期十年人事轉頭非  
愁侵海瘴披霜鬢夢惹天香謁袞衣  
關樹日沈生晚靄塞天雲駛落晴霏  
三鑽楚火無官況目送高鴻忽

欲歸

次廣文用陸韻

時廣文將赴試于洛

廣文華譽壯年時欲向天衢逞遠馳萬馬空羣  
開道路千人掃障捲旌迷罇竹葉傾新釀擲  
地金聲誦舊詩才力如今尚強健未應前路命  
偏奇

偶述

三十年前洛下游當時騰踏五雲樓人間好惡  
稀青眼夢裏悲歡易白頭月影來時疑采石梅  
花開日似揚州興來一笑招南極綠酒千鍾為



爾酬

二

九萬搏風六月遊少年通籍廣寒樓金門大策  
空餘子雲路羣英讓一頭寒暑屢驚馬回北斗乘  
除何恨落南州殘年顧戀難歸去祇為君恩  
老未酬

輓李陝川瀟

白頭南國展黃眉相問頻過瘴海湄梅閣風來  
棋罷後蓮池月出酒闌時豪歌健舞今安在拂  
羽鳴弦老益奇君牧世間堪一莞慰君餘慶屬

來茲

二

聞向青山種白楊向來人事一黃梁煙花遊賞  
歸蕭瑟其酒歡娛墮香茫今世丹青多衛霍異  
時弓馬少關張林居送老終何恨宦海波頭幾  
尺浪

點化呂陝川聖遇

大老號

題癸未榜會

石樓

鴈塔題名儘勝流  
翻騰踏廣寒樓一時龍虎  
幾人在千古山河今夕遊  
錦瑟風飄雲外響蘭

四十五

舟月朗鏡中秋從茲更結金蘭契摸取新績勝

迹畱時兵使柳止信兼晉牧會同榜設宴因為契軸呂丈以事過臨石亦同榜因請題軸

有長律一篇要余點化附本作于左

鴈塔題名三十秋兵塵寥落曲江遊一時龍

虎幾人在千古山河勝迹畱更結金蘭情倦

倦還分雲樹夢悠悠他年點檢輕綃畫長憶

風流直隴石樓

輓宋正字

驚倒天涯坼計書九秋如夢款相於長瞻公嶺

懷蘭室已向伽川戒柳車才藝老蒼宜館閣行

藏真率狎樵漁  
眼中凋落斯文舊  
題輓東風淚  
滿裾

蘇東坡詩集卷之四

蘇東坡詩集卷之四

梧峯先生文集卷二